

2025 - 2029



NAALAKKERSUISUT
GOVERNMENT OF GREENLAND

TUNUP IMARTAANI

suluppaakkanik aqutsinissamut pilersaarut



Assi: Julius Nielsen, Pinngortitaleriffik

AALISARNERMUT PINIARNERMULLU
NAALAKKERSUISOQARFIK

1. Tunuliaqut	1
1.1 Siunertaq, periusissaq atuuffissaalu	2
1.1.1 Periusissiaq	2
1.1.2 Atuuffia	3
1.2 Atuuffiata sivilissusia kukkunersuisarnermullu aalajangersakkat	4
1.3 Inatsisit aamma Aqutsinissamut akisussaaffiit	4
2. Aalisarnermut avatangiisinullu atatillugu aalisagaqatigiinnik ilisarititsineq	5
3. Siunnersuineq kiisalu aalisarnermi aqutsinermut aqutseriaatsimullu tunngavigineqartut	7
3.1 Ilisimatuussutsikkut siunnersuineq	8
3.2 Pisarineqarsinnaasunik tamarmiusunik (TAC) aalajangersaanerit pisassiissutinillu agguassinerit	9
3.2.1 Pisarineqarsinnaasut Ukiumut Akuerisaasumik pisarineqarsinnaasut (TAC) aalajangersaaneq	9
3.2.2 Ukiumut Akuerisaasumik pisarineqarsinnaasut agguarneri	10
3.3. Malittarisassioriaatsit	10
3.3.1 Pisassiissutit amerlassusaannik naleqqussaaneq	10
3.3.2 Suluppaakkap angisuup aamma suluppaakkap itisoormiup immikkoortinneqarnissaannut suleriuseq	11
3.3.3 Sumiiffinni malittarisassaqartitsineq	12
3.3.4 Teknikikkut maleruagassiornerit immamilu uumassuseqarfiusuni mianernartuni aqutsineq	12
3.3.5 Saniatigut pisanik aqutsineq	
4. Nalunaaruteqartarneq nakkutilliinerillu	13
4.1 Nalunaaruteqarneq	14
4.2 Alapernaarsuineq, Nakkutilliineq aamma Misissuineq (MCS)	14
4.2.1 Ullut tamaasa nalunaaruteqartarnerit	15
4.2.2 Aalisarnerup unitsinnera	15
4.2.3 Umiarsuup elektroniskimik allattaavii	15
4.3 Nalunaarutiginninnerit	15
5. Innersuussutit ilanngussallu	16
Ilanngussaq 1. Inatsisit atuuttut immikkut attuumassutillit	17
Ilanngussaq 2. Suluppaakkanik angisuunik aqutsinissamut pilersaarut – naalagaaffittut sinerialittut isumaqatigiissut juli 2023-meersumit tigulaagaq	18



Assi: Arctic Prime Fisheries ApS

1 TUNULIAQUT



Assi: Royal Greenland A/S

1.1 SIUNERTAQ, PERIUSISSAQ ATUUFFISSAALU

Aqutsinissamut pilersaarummi uani pingaarnertut siunertaasoq tassaavoq, suluppaakkanik itisoormiunik (*Sebastes mentella*) aamma suluppaakkanik angisuunik (*Sebastes norvegicus*) piujuartitsilluni suluppaakkanik assigiinngitsunik aalisarnerup qulakkeerneqarnissaa.


Suluppaakkat taakku assigiinngitsut marluk imminnut akuleruttarput taamaattumillu ukiuni arlaqartuni piffissami sivisuumi aalisarneq akuleriinnik aalisarnerusimavoq. Aqutsinermut pilersaarummi uani aalisakkat assigiinngitsut taakkua marluk immikkoortillugit aqunneqarnissaat angorusunneqarpoq, tassami pisarineqarsinnaasut ataatsimoortut eqaatsumik aalisakkanik marlunnik taakkunannga assigiinngitsunik nakkutilliinissaq ajornakusuussammat. Tamatuma suluppaakkanik assigiinngitsunik taakkunannga ilisimasaqarnerunissaq piumasaqaatitaraa, taamaattumik aqutsinissamik pilersaarutip uuma suluppaakkat assigiinngitsut marluk taakkua pillugit ilisimasaqarnerunissaq, qanoq peqartigineq kiisalu immikkoortitsilluni aqutseriaaseqarsinnaaneq sammineqassapput.

1.1.1 Periusissiaq

Suluppaakkanik angisuunik (*S. norvegicus*) aqutsinissamut periusissiami mianerinnilluni iluaquteqarnerup qaffasissusianik aalajangiussisimanissaq siunertaavoq, tamannalu tunngaviusumik mianersortussaannermut naapertuutissaaq aamma siunissaq ungasinnerusoq eqqarsaatigalugu piujuartitsinermik tunngaveqarnerpaajussalluni (MSY-ningusaataanngitsumik annerpaamik iluanaaruteqarneq) siunertaassalluni. Suluppaakkanik itisoormiunik (*S. mentella*) aqutsinissamut periusissiami mianerinnilluni tunngaveqarnissaq siunertaavoq, taassuma aqutsinissamik pilersaarutip atuuffiata aallartinnerani tunngaviuvoq, aqutsinissamik pilersaarutip atuuffiata aallartinnerani Tunumi suluppaakkanik natermiunik itisoormiuusunik aalisarneq aallartittariaqanngilaq. Aalisagaqatigiit taakkua marluk pillugit ilisimasaniq sulii amigaateqartoqarpoq, taamaattorli Tunumi misissueqqissaarnerugallartut paasinarsitippaat aalisakkat itissutsini assigiinngitsuniippasittartut, tassami *S. mentella* 400 meterinik itinerusimiikkajuttarmat. Taakkua saniatigut nunani allani aalisakkanik taakkunannga itissutsinik assigiinngitsunik aallaaveqarlutik immikkoortitsinertik iluatsisimagaat ilisimaneqarpoq. Kalaallit Nunaata imartaani taakkua aalisakkat marluk pillugit aalajangersimasumik siornatigut aqutsinermut periusissiaqarsimanngilaq, taamaattumik aalisakkat taakkua immikkoortillugit nungusaataanngitsumillu aqutsinermut pilersaarut una suliniutaavoq siulleq. Periusissiaq itissutsimut killiliussamik aalliarifeqarpoq immikkoortumilu 3.3.2-mi itisileriffigineqassaaq.

1.1.2 Atuuffia

Aqutsinermut pilersaarummut ilaavoq Tunu, ICES-imillu imartap siunnersuisarfiusup iluaniilluni¹ IIb2 (2b2), Va2 (5a2), XIa (14a), XIVb (14b). Tunumi suluppaakkanut aqutsiveqarfik ataasinnaavoq. (Takussutissiaq 1).



Ilusilersugaq 1: *Tunumi aqutsiveqarfinnut nunap assinga, suluppaakkanut aqutsiveqarfiit qorsummik qalipaasigaapput.*

1 Imartat Ilisimatusarfigineqarnerai Pillugit Nunat Tamalaat Ataatsimiititaliaat

1.2 ATUUFFIATA SIVISUSSUSIA KUKKUNERSIUISARNERMULLU AALAJANGERSAKKAT

Aqutsinissamut pilersaarut una 1. januar 2025-mit 31. december 2029-p tungaanut atuutissaaq.

Piffissap atuuffiup ingerlanerani aqutsinermut pilersaarut nalilersuiffigineqaqqissaaq pisariaqassappallu nutarterneqassalluni, taamaallilluni 1. januar 2030-mi pilersaarut nutaaq nutartigarluunniit atuutilersinneqarsinnaalissaaq. Aalisarnerup ilusilersugaanerani, siunnersuinnermut tunngavissaatitaasuni (matumani misissuiffigineri ilanngullugu) assigisaaniluunniit allannguinerujussuarnik pisoqassagaluarpat, piffissap ingerlanerani nutarterineq suliarisariaqalersinnaassaaq. Taamaallilluni maannakkut aalisarnermut sanilliullugu aqutsinermut pilersaaruttip eqqortuunissaa uppernartuunissaalu sukkulluunniit nutarterinerup taama ittup qulakkiissavaa. Aqutsinissamik pilersaarummik allannguneq suugaluartorluunniit Naalakkersuisunit akuerineqartassaaq. Aalisarnermut Piniarnermullu Naalakkersuisoqarfik (APN) allaffissornikkut ilanngussanik kakkiunneqartunik allannguisinnaavoq.

1.3 INATSIKIT AAMMA AQUTSINISSAMUT AKISUSSAAFFIIT

Kalaallit Nunaanni aalisarnermik aqutsineq tamatumunngalu akisussaaq Naalakkersuisuniippoq aamma Aalisarnermut Piniarnermullu Naalakkersuisumiilluni. Aalisarnermut inatsit atuuttoq tunngavigalugu Naalakkersuisoq aalajangiiffigisassatut siunnersuummik suliaqassaaq kingornalu Naalakkersuisut nalinginnaasumik ataatsimiinneranni aalajangiiffigisassatut siunnersuut saqqummiutissallugu. Pisarineqarsinnaasut pisassiissutillu aalajangersarneqassagaangata agguarneqarlutillu tamanna Aalisarneq pillugu Inatsisartut inatsisaat, Aalisarsinnaanermut akuersissutit pisassiissutillu pillugit Namminersorlutik Oqartussat nalunaarutaat nunallu tamalaat akornanni isumaqatigiissutit tunngavigalugit aalajangiiffigisassatut siunnersuummi saqqummiunneqartassapput. Aqutsinermut apeqqutit taamaattut Aalisarnermut inatsit atuuttoq naapertorlugu Aalisarneq pillugu siunnersuisoqatigiinnut tusarniaassutigineqartassapput². Aqutsinermut apeqqutit taamaattut Naalakkersuisut nittartagaanni³ tamanut ammasumik tusarniaassutigineqartarput, tusarniaanerlu naammassereeraangat tusarniaanermut akissutit aamma tassani atuarneqarsinnaasarlutik.




² Aalisarneq pillugu siunnersuisoqatigiit pilersinneqarput tak. Aalisarneq pillugu Inatsisartut inatsisaat pilersinneqarput, ilaatigullu aalisarneq pillugu soqutigisaqartunik inuttaqarluni.

³ Nanoq.gl

2

AALISARNERMUT AVATANGIISINULLU ATATILLUGU AALISAGAQTIGIINNIK ILISARITITSINEQ



Suluppaakkat assigiinngitsut aningaasarsiornermut pingaarutillit marluusut Kalaallit Nunaata imartaani uumasupput, tassaasut suluppaagaq itisoormioq (*Sebastes mentella*) aamma suluppaagaq angisooq (*Sebastes norvegicus*). Suluppaakkat assigiinngitsut taakku marluk imartaq siammarfigisimasaat angisoorujussuuvoq, tassunga ilaapput Atlantikup imartaata avannaa, Canadap avannamut-kangiatungaa, Baffinip Kangerliumanera (Avannaata Imaa) Ikersuaq Davis, Labradorip imartaa, Irmingerip imartaa, Danmarkstræde, Islandi, Savalimmiut, Kattegat aamma Nordsøp avannaatungaa (taamaallaat suluppaakkat angisuut *S. norvegicus*), Norge, Svalbard aamma Jan Mayen kiisalu Barentip imartaa. Suluppaakkat itisoormiut aamma suluppaakkat angisuut (immap itissusiani) itissutsimi imminnut akuleruttarput, matumani suluppaagaq angisooq nalinginnaasumik ikkannerusumi takussaannerusarluni (100 – 1.000 m, nalinginnaanerusumilli 100 - 500 m) suluppaakkamit itisoormiuminngarnit (300 - 1.441 m) ikannerusumi. Suluppaakkat assigiinngiiaartut siammartarneri, amerlassusaat suffisarfiillu eqqoqqissaartut ilisimaneqanngillat. Taamaattoq Kalaallit Nunaata kujataata kangiani (Danmarkstræde-miit Nunap Isua-nut) nunaviup toqqavia imartamilu itiseriarfiit suluppaakkanut Tunumi Islandimilu naapiffiusarput, suffiffiusarput tuckerarfiusarput pingaarutillit. Annertunerusumilli ilisimatusarnissaq pingaaruteqarpoq sumiiffimmi ilisimasani annertunerusumik pissarsiniarluni.

Suluppaakkat assigiinngitsut marluusut uummareersunik suffisarput, aasap naalerneranni ukialluunniit aallartilaarnerani angutivissat anisuuannik arnavissat toqqorsisarput kingusinnerusukkullu upernaakkut aasaanerani luunniit uummareersunik tusind-ilikkaanik aalisagaarannigoreersunik suffisarlutik. Aappalaartumik qalipaatininnissartik sioqqullugu aalisagaqqat ikerinnarmi uumasuusarput, matuma kingorna 15 cm-ip missaanik angissuseqaleraangamik / 4-5-it missaannik ukioqaleraangamik immap naqqaniinnerulersarput. Suluppaagaq itisoormiu qulit missaanik ukioqaleraangami kinguaassisinnaalersarpoq, taamaalinerani 30 cm-ip missaanik angissuseqartarpoq, suluppaagarli angisooq qulit aamma aqqaneq-marluk missaannik ukioqaleraangami kinguaassiorsinnaalersarpoq, taamaanerani 30-40 cm-ip missaanik angissuseqartarluni. Suluppaagaqatigiit taakku imaq nillertoq najorumanerusarpaat (1-6 ° C-ip missaanik kissassusilik, suluppaakkalli itisoormiup suluppaakkamit angisuuminngarnit nillernerusooq orniginerusarpa) amerlasuujullutillu ataatsimoonnissaq orniginerusarlugu. Suluppaakkat angisuut inersimasut aamma suluppaagaqatigiiaat ilaat immap naqqarmiuupput (immap naqqanut qanittumiittartut), suluppaagaqatigiillu allat suluppaakkat itisoormiut pingaartumik Irmingerip Imartaani) ikerinnarmi (imaannarmi) uumasuusarlutik. Suluppaagaq qaleralinnik nerisaqartuuvoq, matumani kinguaqqat kinguppaat kiisalu amikut, tappiorannartut allat aalisakkallu mikinerusut, matumani ammassat, ammassassuit taakkulu piaraat ilanngullugit. Aataaq, natsersuaq aamma ilaatigooriarlunilu qaleralik, Tunumi suluppaakkanik nerisaqartarput. Suluppaagaq itisoormiu nalinginnaasumik 40 cm-ip missaanik angissuseqalertarpoq (nalunaarutigineqartut naapertorlugit annerpaajusoq 55 cm. angissuseqarpoq) 75-llu angullugit ukioqalersinnaalluni. Suluppaagaq angisooq anginerulaalertarpoq 50-60 cm-illu missaanik angissuseqalertarluni (anginerpaaq nalunaarutigineqarnikuusoq 100 cm-isut angitigaaq) 60-illu angullugit ukioqalersinnaalluni. Alliartroneq kigaatsaq, kingusissukkut kinguaassiorsinnaalertarneq aamma sivilisuumik uumasarneq, aalisagaqatigiiaat taakku aalisarneqarnermikkut nungutaaratarsinnaanermut ulorianartorsiortippaat.

Tunumi suluppaakkanik avataasiorluni aalisartoqartarpoq, matumani nunaviup toqqaviata itiseriarfiani qalorsuit natersiutit atorlugit suluppaakkanik siunnerfilimmik aalisarnerit arlallit (pingaartumik Tyskit Europamiullu aalisariutaat) pisaqartarlutik. Kalaallit angallataasa saarullinniarlutillu qaleralinniarartut pingaarnertut suluppaakkat saniatigut pisisuukkatut pisisarpaat, tamanna Tunumi qalorsuarnik natersiutini kilisannermi pisarpoq. Suluppaakkat saniatigut pisisuukkat amerlanerpaartaat, imartami 68 ° N-ip kujataani kiisalu 300 aamma 500 m-imik ititigisumi pisarineqarajuttarput. Pisat amerlanerpaartaat ukiuni kingullerni qulikkaani upernaakkut aasakkullu pisarineqartarput, piffissamili kingullermi ukiakkut ukiukkulluunniit amerlangaatsiartorsuarnik aamma pisaqartoqartarpoq. Kalaallit Nunaata, Tyskland-ip aamma EU-p saniatigut, Rusland-i, Norge, Savalimmiut, Island-i aamma Tuluit Nunaat Tunumi ukiuni qulikkaani kingullerni aamma suluppaakkanik pisaqartarput.



Assi: Julius Nielsen, Pinngortitaleriffik



3


SIUNNERSUINEQ KIISALU
AALISARNERMI AQUTSINERMUT
AQUTSERIAATSIMULLU
TUNNGAVIGINEQARTUT

3.1 ILISIMATUUSSUTSIKKUT SIUNNERSUINEQ

Tunumi suluppaakkat pillugit ilisimatuussutsikkut siunnersuineq, ukiumoortumik ICES-imit tunniunneqartarpoq.

Tunumi, Island-imi Savallimmiuni, Skotland-ip kitaani aamma Azorer-it avannaani suluppaakkat angisuut amerlassusiat pillugu ICES ataatsimoorussamik ukiumoortumik siunnersuisarpoq. Alisagaqatigiit amerlassusianni tassani aalisagaqatigiit amerlanerpaartaat Island-ip Tunullu avataani nassaanerineqarsinnaapput. MSY^4 aallaavigalugu suluppaakkat angisuut pillugit siunnersuisoqartarpoq. Aalisagaqatigiit amerlassusiinik nalilersuinermit assingusoq tassaavoq, qassinik ukioqarnermik aallaavilimmik nalilersueqqissaarinertalimmik nalilersuineq (SAM-imik ilusiliineq), ilusiliinermi sulianillu ingerlataqarnermi pisanik atuiffiusartoq. Suluppaakkat angisuut amerlassusiat taamaalilluni ICES-ip suussusiligaatut aalisagaqatigiit amerlassusiattut 1-uvoq, taanna suussusiliisarnerni pissarsiaasaasuni qaffasinnerpaajuvoq matumani nalilersueqqissaarinertalimmik ilutsit tamakkiisut atorlugit amerlassusiliinikkut nalilersuineq atorneqartarluni aamma qanoq ukioqarnermit ilusilikkamik kinguaassisarnermut ilutsit taggississutaasartut ilanngullugit. Ilutsimut ilaapput ilisimatuussutsikkut misissuinermit aalisarnermiillu pisat pillugit paasissutissat tulaassinermit paasissutissat kiisalu qassinik ukioqarnerat angissusaallu pillugit paasissutissat.

Tamatuma saniatigut Tunumi suluppaakkat itisoormiut (*S. mentella*) immap naqqaniittut kiisalu Irmingerip Imartaani suluppaakkat itisoormiut ikerinnarsiortut marluk pillugit ICES siunnersuisarpoq. Aalisagaqatigiit taakku "titarneq aappalaartoq" atorlugu imminnit immikkoortitaapput, nunaviup toqqaviata killinga 1.000 m-imik itissusilimmiittoq (Ilusilersugaq 2) atuarlugu, titarnerup aappalaartup kitaani immap naqqarmiut aalisagaqatigiinnik ilaqartut aamma titarnerup aappalaartup kangiani aalisagaqatigiit ikerinnarmiittunik ilaqartut. Aalisakkanut ikerinnarsiortunut marluusut pillugit siunnersuineq MSY^4 -mik tunngaveqarpoq. Suluppaakkat itisoormiut immap naqqarmiut Tunup avataaniittut pillugit mianersortussaannermit tunngavik aallaavigalugu ukiumoortumik siunnersuiffigineqartarput. Aalisagaqatigiit amerlassusiannik nalilersuineq taggissinermit aallaavilimmik nalilersuineruvoq, tamanna ima isumaqarpoq, ICES-ip suussusiligaatut aalisagaqatigiit amerlassusiattut 3-uvoq. Suussusiliineq 3 isumaqarpoq, nalilersuineq taggissinermit aallaaveqartoq matumani aalisagaqatigiinni ineriartorneq pillugu taggissinermit tikkuussutinik tutsuiginartunik tunniussisartut, kisianni misissueqqissaagaasumik nalilersuisoqarnerq ajorpoq (paasissutissat amigaataanerit pissutigalugu, soorlu aalisagaqatigiit qanoq utoqqaassuseqarnerisa ilusaat pillugu).



Ilusilersugaq 2: Titarneq aappalaartoq, Tunumi nunaviup toqqaviata killinga immami 1.000 meter-inik itissusilimmiittoq, imartanik suluppaakkat itisoormiut immap naqqarmiut amerlassusiat (titarnerup kitaa) aamma suluppaakkat itisoormiut ikerinnarsiortut amerlassusiat (titarnerup kangia) pillugit ICES-ip siunnersuiffigisartagai. Titarneq 2011-mi ilisaritinneqarpoq. Immap assingani itissutsimut ilisarnaatit 500, 1.000 aamma 1.500 m-iusut ilaapput, tassani itissuseq 1.000 meteri issusuunik allaqqavoq. Titarneq kittaartoq 200 nm-iuvoq aamma Kalaallit Nunaata aningaasaqarnikkut immikkuullarissumik killinganut ilisarnaataavoq.

⁴ Maximum Sustainable Yield (nungusaataanngitsumik annerpaamik iluanaaruteqarnissaq)

3.2 PISARINEQARSINNAASUNIK TAMARMIOUSUNIK (TAC) AALAJANGERSAANERIT PISASSIISSUTINILLU AGGUAASSINERIT

3.2.1 Pisarineqarsinnaasut Ukiumut Akuerisaasumik pisarineqarsinnaasut (TAC) aalajangersaaneq

3.2.1.1 Suluppaakkat itisoormiut *Sebastes mentella* pisarineqarsinnaasunik (TAC) aalajangersaaneq

Suluppaakkat itisoormiut *S. mentella* pillugit ukiuni kingullerni siunnersuisarnerit saniatigut aalisartoqanngilaq, aalisagaqatigiit taakkua marluk, pisarisoorneqaraangata, immikkoortinneqarsinnaannginneri peqqutaalluni. Pisarisuukkat pillugit paasiuminarsaaneq nakkutilli-isinnaanermillu periarfissat pitsanngorsarniarlugit, aqutsinermut pilersaarutip piffissami atuuffiani suluppaakkat itisoormiut *S. mentella* pisarisuukkat nalunaarsorneqartarniassammata pisarineqarsinnaaneritut pisassiissutinik pilersitsisoqassaaq. Pisassiissutip taassuma annertussusiani ukiut siuliini *S. mentella*-t saniatigut pisarisuukkat tunngavigineqarput aamma aqutsinissamut pilersaarummi atuuffis-saatut piffissaliussami ukiumut 300 tonsit aalajangersarneqassapput.

3.2.1.2 *Sebastes norvegicus*-mut TAC-mik aalajangersaaneq

Kalaallit Nunaat, Island aamma Savalimmiut suluppaakkanik angisuunik *S. norvegicus* ataatsimoorussisarput. Island aamma Kalaallit Nunaat, aalisagaqatigiit ataatsimoorussat aqutsivigineqarnerannut malittarisassanik aalajangersaasuusumik, 2023-mi isumaqatigiissuteqarput. Isumaqatigiissummut tassunga ilaatigut ilaapput, pisarineqarsinnaasunik aalajangersaasarnermi aqutsinissamut pilersaarut, taanna ilanngussaq 2-mi atuarneqarsinnaavoq, Isumaqatigiissut tamakkiisoq Aalisarnermut Piniarnermullu Naalakkersuisoqarfiup nittartagaani nassaarineqarsinnaavoq. Savalimmiut isumaqatigiissummut tassunga ilaannqillat.

Taanna aallaavigalugu aqutsinissamut pilersaarutip tikkuuppaa, suluppaakkat angisuut *S. norvegicus* pillugit isumaqatigiissummut taassumalu aqutsivigineranut pilersaarummut naapertuuttumik Naalakkersuisut pisarineqarsinnaasunik aalajangersaasinnaasut.

Aalisarnermut Piniarnermullu Naalakkersuisup Tunup avataani suluppaakkat pisarineqarsinnaasut aalajangersaaffiginissaat pillugu aalajangiiffigisassatut siunnersuummik saqqummiinginnerani Aalisarnermut Siunnersuisoqatigiit suliamut tusarniaaffigineqassapput, Aalisarnermullu Siunnersuisoqatigiit tusarniaanermut akissutaat Naalakkersuisunut inassuteqarnissamut tunngaviliunneqartunut ilaapput. Tamatuma saniatigut pisarineqarsinnaasut siunnersuutaat tamanut tusarniutigineqassaaq.

Tunngavissatut isumaqatigiissummi immikkoortoq 6-imi allassimasoq naapertorlugu, isumaqatigiissuteqartut tamarmik piffissami aqutsiviusumi pisassanit isumaqatigiissuteqartumut pineqartumut tunniunneqarsimasunit pisarineqarsimanngitsut 10%-iinik piffissamut aqutsiviusumut tullinnguuttumut nuussisinnaapput. Nuunneqartut taakku amerlassusiat pisassiissutaasumut tapiliunneqassapput, piffissamut aqutsiviusussamut tullermut illuatungiusumit pineqartumit tunniunneqarnikuusut.

Illuatungeriit arlaat ataaseq piffissami aqutsiviusumi akuerineqartut sinnerlugit aalisaruni illuatungiusup taassuma piffissami aqutsiviusumi tullermi pisassai pisarisaata amerlaqataannik ilanngarneqassapput, tunngavissatut isumaqatigiissummi imm. 8 naapertorlugu. Piffissami aqutsiviusumi tullermi pisassat ilanngaataat tunngavittut isumaqatigiissummi illuatunginut allanut agguanneqarumaarput.

3.2.2 Ukiumut Akuerisaasumik pisarineqarsinnaasut agguarneri

3.2.2.1 Suluppaakkat itisoormiut pisarineqarsinnaasut (TAC) agguataarneqarneri

Piginneqatigiiffiit Tunumi saarullinnik suluppaakkanillu (*S. norvegicus*) aalisartitseqatigiiffiit pisaqarnissaminut akuersissuteqareersunut pisassanit pisisuukkanit agguassivigineqartassapput, taakkuummatami suluppaakkanik itisoormiunik *S. mentella* pingaarnertut pisarinnittoortut.

3.2.2.2 Suluppaakkat angisuut pisarineqarsinnaasut (TAC) agguataarneqarneri

Suluppaakkat angisuut *S. norvegicus* pisarineqarsinnaasut tamarmiusut aalajangersarneqareerpat, aalisagaqatigiit tunngaviusumik isumaqatigiissut naapertorlugu agguataarneqartareernikuugamik. Matuma kingorna illuatungerisamut isumaqatiginninniarnit Naalakkersuisut naammassissavaat. Ataatsimiinnerni angusat aallaavigalugit pisarineqarsinnaasut aalajangersarneqareersimasut ilaat nunanit allanit pisarineqartussanngortinneqartaput.

Illuatungeriilluni isumaqatiginninniarnit Naalakkersuisunit naammassineqareeraangata pisarineqarsinnaasut sinneri kalaallit aalisartuunut agguanneqartaput.

3.3 MALITTARISASSIORIAATSIT

3.3.1 Pisassiissutit amerlassusaannik naleqqussaaneq

Suluppaakkanik aalisarnernut akuersissutit piffissamut killiligaasut amerlanerpaanillu pisaqarnissamut akuersissutitalit atorlugit aqunneqarput, taakkulu ukiukkaartumik tunniunneqartarlutik. Akuersissutit Pisassiissutillu pillugit nalunaarut naapertorlugu ingerlatsisut aappaagumut aalisarnissamut ukiakkut qinnuteqartaput.

Kalaallit aalisartui Aalisarnermut Piniarnermullu Naalakkersuisup isummernissamut tunngavissiatigut tunngavilersuutai naapertorlugit avataasiorluni aalisarsinnaanissamut akuersissummik Naalakkersuisunit tunineqartaput, immikkoortoq 1.3 naapertorlugu. Aalisarsinnaanermut akuersissutit pisassiissutillu pillugit Namminersorlutik Oqartussat nalunaarutaat naapertorlugu pisassat agguanneqartaput. Kalaallit Nunaata illugiilluni isumaqatigiissutai atuuttut naapertorlugit Aalisarnermut Piniarnermullu Naalakkersuisoqarfik nunanut allanut imaluunniit nunani allani ingerlatsisunut aalisarsinnaanermut akuersissutinik tunniussisarpog.

Angallatit aalisarnermi peqataasut misiliutissanik Pinngortitaleriffiliartussanik katerseqqullugit peqquneqarsinnaapput. Uumasorsiuut misissugassaannik misiliutissanik katersarnissanik piumasaqaat Pinngortitaleriffik suleqatigalugu Aalisarnermut, Piniarnermullu Naalakkersuisoqarfimmi aalajangersarneqartarpoq tamannalu pillugu ilitersuutit sukumiinerusut akuersissutinut ilanngussatut ilanngullugit nassiunneqartaput. Misiliutissat taakku atorlugit siunertaasoq tassaavoq, suluppaagaqatigiit assigiinngitsut marluk taakku qanoq siammasitsiginersut imminnullu akuleriittarnerat pillugit annerusumik paasisaqarnissaq. Neriutigineqartoq tassaavoq, suluppaakkat itisoormiut *S. mentella* mianersuunnissaat eqqarsaatigalugu suluppaakkat assigiinngitsut marluk aalisarneqarneranni pitsaernerusumik immikkoortinneqartarnissaat.

3.3.2 Suluppaakkap angisuup aamma suluppaakkap itisoormiup immikkoortinneqarnissaannut suleriuseq

Soorlu aallaqqaasiummi oqaatigineqareersaq nunat allat immap itissusaa aallaavigalugu aalisagaqatigiit immikkoortinnissaannik suliaqarnertik iluatsissimavaat. Pinngortitaleriffik ingerlaavartumik misissuisarpoq aamma suluppaakkat marluusut amerlassusiinik misissueqqissaartarpoq. Misissueqqissaarnernit taakkunannga paasissutissat aalisagaqatigiit taakkua marluusut itissutsini assigiinngitsuniittartut paasinarsisippaat, taamaattumillu aalisagaqatigiinnit marluusunit taakkunannga aalisarnej itissutsit taakkua (Takussutissaq 1) tunngavigalugit avissaartinneqartariaqartoq. Dohrn Bankimut immikkut ittumik misissuinerit takutippaat, aalisagaqatigiinnut taakkununga marluusunut pingaarnertut itissutsip killinga aqutsiveqarfiup sinneranit itinerusooq taamaattumillu imartami tassani (Takussutissaq 1) itissutsip killinga taamaaqataanik aalajangersarneqarpoq. Aalisarnermi suluppaakkanik pisat suussusikkaarlugit sulil nalunaarutigineqartassapput, taamaalillutik suluppaakkat itissutsimut killiliussaq tikinnagu pisarineqarsimasut suluppaakkatut angisuutut nalunaarutigineqassapput suluppaakkallu itissutsimut killiliussaq qaangerlugu pisarineqartut suluppaakkatut itisoormiutut nalunaarutigineqassallutik. Suleriaaseq una eqqortuunersooq nakkutigisinnajumallugu inuussutissarsiortut misissugassanik tiguisarnissaminnik peqquneqarnikuupput. Misissugassanik tiguisarnerit immikkut ittut suluppaakkanik pisaqarsinnaanermut akuersissutinik tunniussinermi ilitersuutaat tunniunneqartassapput. Misissueqqissaagassatut nassiusat aallaavigalugit Pinngortitaleriffiup aalisakkap sussusersiniarnera misissueqqissaassavaa aamma aalisakkat immikkoortillugit maannamut qassiunerinik eqqoriaassalluni. Sussusersilluni immikkoortitsineq ukiumoortumik naatsorsuusiartineqartassaaq aamma suleriuseq aqutsiviup pilersaarutaata atuunnerata naajartornerani nalilersorneqarumaarluni.

Takussutissaq 1: *Tunumi aamma Dohrn Bankimi suluppaakkap angisuup suluppaakkallu itisoormiup avissaartinnerannut itissutsit killinginut takussutissiaq.*

Aqutsiveqarfik	Suluppaagaq angisooq (<i>S. norvegicus</i>)	Suluppaagaq (<i>S. mentella</i>)
Tunu	< 400 m	> 400 m
Dohrn Banke (Nunatta Islandillu akornanni ikkannersuaq)	< 500 m	> 500 m

3.3.3 Sumiiffinni malittarisassaqaartitsineq

Tunumi avataasiarluni suluppaagarniarneq nunatta Imartat aningaasaqarnikkut immikkut oqartussaaffigisaata (EEZ)⁵ ilaani tunngaviusumik killigititap 3 sømilip avataani avasitsigisuni (Takussutissaq 2) ukunani imartat siunnersuiffiusut iluanni ICES 2b2, 5a2, 14a aamma 14b-mi ingerlanneqassaaq.

Takussutissaq 2: *Tunumi aamma Dohrn Bankimi aqutsiveqarfinnut sumiiffiit pillugit nassuiaatitalik aamma sumiinnerinut taakkualu killinginut takussutissiaq.*

Aqutsiveqarfik	Sumiiffik pillugu nassuiaat:
Tunu	Kalaallit Nunaata aalisarnikkut oqartussaaffia 44°W-p kangiani nunami sumiiffik aamma titarnerup avannaani ukunani sumiiffiit: 59°15'N 44°00'V, 59°30'N 42°45'V, 60°00'N 42°00'V, 62°00'N 40°30'V, 62°00'N 40°00'V, 62°40'N 40°15'V, 63°09'N 39°40'V, 63°30'N 37°15'V, 64°20'N 35°00'V, 65°15'N 32°30'V, 65°15'N 29°50'V
Dohrn Banke (Nunatta Islandillu akornanni ikkannersuaq)	Piffik pineqartoq 27° V kitaani (titarnerit kimmukaartut) immami killeqarfiup avataani (3 sømilimik tunngaviusumik killigititamit) aalisarfiusinnaasup killeqarfiata tungaanut (Kalaallit Nunaata aningaasaqarnikkut oqartussaaffia 63°45' N kujataata (titarnerit avannamukaartut) aamma 35°15'V kitaata (titarnerit kimmukaartut) tungaanut.

⁵ Aningaasarsiornikkut immikkut oqartussaaffik

3.3.4 Teknikkikut maleruagassiornerit immamilu uumassuseqarfiusuni mianernartuni aqutsineq

Namminersorlutik Oqartussat aalisarnermi teknikkikut maleruagassat pillugit nalunaarutaanni ilaatigut imaani sumiiffinni mianersuutigisariaqakkani aqutsineq, atortut, aalisarnissamut inerteqqutit aamma koraalinik immallu pupiunik pisat sammineqartarput.

Imaani uumassuseqarfiit manna tikillugu sunnerneqarsimanngitsut ajoquserneqannginnissaat Naalakkersuisunit siunniunneqarput. Nalunaaruteqarnermi, ilisimatuussutsikkut misissuineri imaluunniit nakkutilliineri aalisarnerup siaruarsimanera malunnartumik allanngorsimanera paasineqarpat, Aalisarnermut Piniarnermullu Naalakkersuisoqarfiup, Pinngortitaleriffik aamma Aalisarneq pillugu Siunnersuisoqatigiit isumasioreerlugit, imartat mianerisariaqarsinnaasut illersorniarlugit aalisarneq killilersuiffigineqassanersoq nalilissavaa.

Imartanik mianerisariaqartunik toqqartuineri maleruagassiornerullu immikkuullarissumik nassuiaatit piumasaqaatillu, immap naqqanik aqutsinissamut pilersaarusiassami ilanngunneqassasut ilimagineqarput.

3.3.5 Saniatigut pisanik aqutsineq

Aalisarnermi pisanisukkut Aalisarnermi pisanisukkut pillugit Namminersorlutik Oqartussat nalunaarutaat aamma Aalisakkanik aalisakkanillu tunisassianik tunisisarnerit pillugit nalunaarusiortarnerit pillugit Namminersorlutik Oqartussat nalunaarutaat naapertorlugit suliarineqassapput nalunaarsorneqarlutillu.

Aalisarnermi saniatigut pisat tamarmik nalunaarutigineqassapput. Taamaalluni aalisarnermi saniatigut pisat pisassiinermik tunngaveqartumut aalisarnermut ilaapput, amerlassusaallu pisassiissutinit ilanngaaticineqassallutik.

Nalunaaruteqarnermi, ilisimatuussutsikkut misissuineri nakkutilliinermiluunniit uumasut aalajangersimasut pisanisukkut sumiiffimmi piffissamiluunniit sivikitsumi amerlappata, Aalisarnermut Piniarnermullu Naalakkersuisoqarfiup Pinngortitaleriffik aamma Aalisarneq pillugu Siunnersuisoqatigiit isumasioreerlugit uumasut uumassusilerinermut killiffia eqqarsaatigalugu saniatigut pisat amerlassusiisa naammaginatsumik amerlassuseqarnissaannut immikkut iliuuseqarnissaq qulakkeerneqassanersoq nalilissavaa. Taamatut iliuuseqarnermi sumiiffimmi imaluunniit piffissakkaartumik matusinerit iliuusissalluunniit allat ilaatinneqarsinnaapput, tamatumanilu uumassuseqarnermi pisinnaasat saniatigut uumassuseqartut artukkinnginnissaat qulakkeerneqassaaq.



Assi: Royal Greenland A/S

4

NALUNAAARUTEQARTARNEQ NAKKUTILLINERILLU

4.1 NALUNAARUTEQARNEQ

Aalisarnerup nakkutigineqarnera aalisariutip nalunaartussaataitaanerani aamma allattaaveqartussaataitaanerani siullertut tunngavigineqassaaq. Allattaavissornissaq sioqqullugu aalisariutit anginerusut suliatik pisatillu pillugit nalunaarutini nassiussuissapput, tassunga ilanngullugit aalisarnek, tikinneq, sapaatip akunnikkuutaartumik aamma aalisannginneq pillugit nalunaarutit. Taakkua saniatigut angallatit avataasiortut elektroniskinnorlugu angallatinik nakkutilliinermi taaneqartartumi VMS-imi (Vessel Monitoring System) ilanngunneqarput.

4.2 ALAPERNAARSUINEQ, NAKKUTILLINEQ AAMMA MISISSUINEQ (MCS)

Aalisarnerit KANUAPNA-mit nammineerluni aalisariutiniilluni nakkutilliinikkut allaffissornikkulluunniit nakkutigineqarput.

Avataasiorluni aalisarnermik nakkutillineq ataani allassimasutut pisarpoq:

- Nalunaarutini, allattaavinnit paasissutissartaannik, tunisinerit paasissutissartaannik aamma angallatinik nakkutiginninnerit aqutugalugit nakkutiginnittoqassaaq, taakkununga ilanngullugit nalunaarsuinerit aamma nakkutilliinerit
- Tulaassinerni nakkutilliinerit / Port State Control (PSC)
- Angallatini nakkutilliisut
- Imaani nakkutilliinerit (Issittumi Sakkutooqarfik)

KANUAPNA-p Nuummi qullersaqarfianit allaffissorluni nakkutilliisoqartarpoq, paasissutissat nakkutiginnittussaataitaaneq allattaaveqartussaataitaanerlu naapertorlugit KANUAPNA-mut tunniunneqartut malillugit angallatinik nakkutilliinerit ilanngullugit. Taamaallilluni nalunaarutit assersuutigalugu pisat amerlassusaat sumiiffiillu nalunaarusiani tamani assigiinnerat qulakkeerniarlugit allattaavinnut VMS-inillu paasissutissat sanillersuunneqartarlutik. Tamatuma saniatigut KANUAPNA-p Port State Control (PSC) nunani allani nakkutilliinermut oqartussat suleqatigalugit kalaallit pisisimasaat nunani allani umiarsualivinnut tulaanneqartut KANUAPNA-mit uppersarsarneqartarput aamma nunanit allamiut aalisariutaasa Kalaallit Nunaanni umiarsualivinnut tulaassaata misissorneqartarlutik.



KANUAPNA nakkutilliisunik sulisoqarpoq, taakkua aalisariutit aalisarnerinik malinnaasarput nakkutilliisarlutillu. Nakkutilliisut kalaallit nunallu allamiut aalisariutaannut nunatta imartaanni aalisarnissanut akuersissutaatilinnut imaluunniit kalaallit aalisariutaannut nunat tamalaat imartaanni aalisarnissamut akuersissutaatilinnut ikisinneqarsinnaapput / ilaatinneqarsinnaapput.

Tamatuma saniatigut KANUAPNA Issittumi Sakkutooqarfimmiunik timitaliillutik aamma nakkutilliisartunik suleqateqarluartarpoq. Issittumi Sakkutooqarfik avataasiorluni suluppaagarniarnermi angallatinut tamanut (kalaallit nunallu allamiut angallataannut) ikisinnaatitaapput, misissuisinnaatitaapput tigesarinnissinnaatitaallutillu. Issittumi Sakkutooqarfik ilinniarsimasunik aalisarnermut aqumioqarpoq, taakku KANUAPNA-mi aalisarnermut nakkutilliisut suleqatigalugit aalisarnermut atortunik aamma lastimiittut allattaavinnut allanneqarsimasunut naapertuunnersut misissorsinnaasarpaat. Issittumi Sakkutooqarfik politiitut oqartussaassuseqarpoq, tamannalu Kalaallit Nunaanni Politimestereqarfik suleqatigalugu atorneqartarpoq.

Avataasiorlutik aalisartut tulaassinerini KANUAPNA timitaliilluni nakkutilliisarneri. Aalisariut Kalaallit Nunaanni umiarsualivimmut tikikkaangat usingiartussanngoraangallu KANUAPNA-mi aalisarnermut nakkutilliisut tulaassanik nakkutilliisarput. Usingiarneq tamaat nakkutilliisunit nakkutigineqartarpoq tamakkulu aalisakkanit tunisassiassanik poortuutissartaannillu sukkut tamaana tiguisarlutik misissuisarput.

4.2.1 Ullut tamaasa nalunaaruteqartarnerit

Pisassiissutit aalisariutilluunniit pisassai nunguleraangata aalisariut pineqartoq ullut tamaasa nalunaarsukkanik nassiussuisaqqullugu KANUAPNA-mit peqquneqarsinnaavoq. Nalunaarutit tamakku sapaatit akunnikkuutaartumik nalunaarutaasartut assinganik imaqtartassapput. Taamaalioqqusisoqartarpoq aalisarneq qanimut malinnaaffigiumallugu taamaalillunilu piffissaagallartillugu aalisarnermik matusisinnaajumalluni.

4.2.2 Aalisarnerup unitsinnera

Pisassiissutit nunguleraangata aalisarnerit pineqartut KANUAPNA-mit oqartussaasutut matuneqarsinnaatitaapput. Aalisarneq matuneqassappat, tamanna pillugu tusagassiorfitsigut nalunaaruteqartoqassaaq. Aalisarnermik nakkutilliinermut aalajangersakkat tamakkiinerusut Aalisarnermik nakkutilliineq pillugu Namminersorlutik Oqartussat nalunaarutaani atuarneqarsinnaapput.

4.2.3 Umiarsuup elektroniskimik allattaavii

Aalisariutit 17 meter-imik anginerusut tamarmik (LOA) 2022-mi junimiit angallatip allattuivianik qarasaasiaasumik atuisassasut peqquneqarnikuupput. Umiarsuup elektroniskimik allattaaviinik (ERS) atuilerneq suliat sukkannerusumik suliarineqartalerneranik erseqqinnerusunillu paasissutissaateqalernermik kinguneqassaaq KANUAPNA-llu pingaartumik avataasiortunik nakkutilliisarnerinik pitsanngoriartitsissalluni.

4.3 NALUNAARUTIGINNINNERIT

Aalisarnermi malittarisassanik unioqqutitsisoqarnerani KANUAPNA politiinut nalunaarutiginnittarpoq.

Inatsisini atuuttuni aalajangersakkanik unioqqutitsinerit tamarmik akiliisitaanermik kinguneqarsinnaapput.

Kalaallit Nunaanni aalisarnermut malittarisassanik imaluunniit suluppaagarniarnermut akuersissummi allassimasunik unioqqutitsinerit akuersissutit atorneqarsinnaatitaanerani killilersuiffigitinnermik kinguneqarsinnaapput.



Assi: Julius Nielsen, Pinngortitaleriffik

5 INNERSUUSSUTIT ILANNGUSSALLU

ILANNGUSSAQ 1. INATSIKIT ATUUTTUT IMMIKKUT ATTUUMASSUTILLIT

- Aalisarnek pillugu Inatsisartut inatsisaat nr. 29 23. maj 2024-meersoq
- Aalisarsinnaanermut akuersissutit pisassiissutillu pillugit Namminersorlutik Oqartussat nalunaarutaat nr. 10, 4. februaari 2025-meersoq
- Aalisarnerup teknikikkut iluarsartuussivigineqarnera pillugu Namminersorlutik Oqartussat nalunaarutaat nr. 12, 4. februaari 2025-meersoq
- Aalisarnermi saniatigut pisat pillugit Namminersorlutik Oqartussat nalunaarutaat nr. 14, 6. december 2011-meersoq
- Aalisakkanik aalisakkanillu tunisassianik tunisisarnermik nalunaarutiginnittarneq pillugu Namminersorlutik Oqartussat nalunaarutaat nr. 7, 4. april 2016-meersoq
- Aalisarnermik nakkutilliineq pillugu Namminersorlutik Oqartussat nalunaarutaat nr. 39 20. januar 2023-meersoq.
- Qaammataasat atorlugit aalisariutinik nakkutilliineq pillugu Namminersornerullutik Oqartussat nalunaarutaat nr. 21, 30. maaji 2001-meersoq
- Aalisarnermik alapernaarsuisut suliassaat pisinnaatitaaffiilu pillugit Namminersornerullutik Oqartussat nalunaarutaat nr. 3, 18. marts 2004-meersoq
- Pisat ilaasa nalunaarutigineqarnerini naatsorsueriaatsit pillugit Namminersorlutik Oqartussat nalunaarutaat nr. 48, 18. december 2020-meersoq

Kalaallit Nunaanni aalisarnek pillugu inatsisit attuumassuteqartut tamakkerlutik nalunaarut.gl aqqutigalugu pissarsiarineqarsinnaapput .

ILANNGUSSAQ 2. SULUPPAAKKANIK ANGISUUNIK AQUTSINISSAMUT PILERSAARUT - NAALAGAAFFITTUT SINERIALITTUT ISUMAQATIGIISSUT JULI 2023-MEERSUMIT TIGULAAGAQ

Ingerlatsineri immikkoortortaq

Suluppaagaq angisooq (*Sebastes norvegicus*) Islandip aamma Kalaallit Nunaata Imartat aningaasaqarnikkut immikkut oqartussaaffigisaanni Aningaasarsiorfiusinnaasumik killeqarfiiniippoq (EEZ).

Islandimi aamma Kalaallit Nunaanni oqartussat namminneq Imartat aningaasaqarnikkut immikkut oqartussaaffigisaanni (EEZ)-mi aalisarnitik aquppaat.

Atuinermit politikki

Ilanngullugulu suluppaakkanut angisuunut (*Sebastes norvegicus*) aqutsinissamik pilersaarummi iluaqteqartarnermut qaffasissutsip aalajangiusimanissaa siunertaavoq, tassalu qaffasissuseq tamanna mianersortussaannermit tunngavimmut naapertuutissasoq aamma siunissaq ungasinnerusoq eqqarsaatigalugu piujuartitsinermit tunngaveqarluni amerlanerpaanik pissarsisarnissaq (MSY) siunertaalluni.

Atuinermit nakkutilliinermik malittarisassaq (HCR) tulliani allassimasooq naapertorlugu tamanut atuuttumik anguniakkat Islandimi Kalaallillu Nunaanni oqartussanit akuerineqarnikuupput, aqutsinissamik piffissaliussap tulliaa atuutilerneranit aallartittumik. Atuinermit nakkutilliinermik malittarisassaq nutarterneqassaaq, ICES-imit piumasaqartoqarpat imaluunniit kingusinnerpaamik ukiut tallimat qaangiuppata. Ukiumoortumik pisarineqarsinnaasut amerlanerpaartaat atuisinnaanermut nakkutilliinermik malittarisassap tulluuttup atorneratigut aalajangersarneqassapput:

1. Ukiumut Akuerisaasumik pisarineqarsinnaasut aalisakkat 9-mit 19-mut ukioqatigiit pillugit agguaqatigiissillugu toqusarnerinik 0,112-mut naapertuuttumik aalajangersarneqartassapput, aalisagaqatigiit suffinerisa nalaanni (SSB_y) ukiumi siunnersuiffiusumi siumoortumik 154.094 tonsit (amerlanerpaamik pissarsisinnaanissaq tunngavigineqarsinnaagaangat) sinnersinnaagai ilimagineqaraangata.
2. Ukiumi siunnersuiffiusumi aalisagaqatigiit suffinerisa nalaanni aalisagaqatigiit 154.094 tonsit ($B_{trigger}$) inussagaat siumut oqaatigineqarsinnaassapput, 110.893 tonsilli (B_{lim}) sinnerlugit, pisarineqarsinnaasut tamarmiusut aalisakkat ukiumi siunnersuiffiusumi toqorartarnerinut naapertuuttumik 0,112-mut $*(SSB_y / B_{trigger})$ aalajangerneqassapput.
3. Ukiumi siunnersuiffiusumi aalisagaqatigiit suffinerisa nalaanni 110.893 tonsit (B_{lim}) inussagai siumut oqaatigineqarsinnaappata pisarineqarsinnaasut 0 tonsiutinneqassapput.

Atuinermit nakkutilliinermut malittarisassap ICES-ip amerlanerpaamik pissarsisinnaanissamik tunngavigititaa aamma mianersuussilluni tunngavik malissavai.